

# Компания бейіні



## «Электр желілерін басқару жөніндегі Қазақстан компаниясы» (Kazakhstan Electricity Grid Operating Company) «KEGOC» акционерлік қоғамы.

«Электр желілерін басқару жөніндегі Қазақстан компаниясы» (Kazakhstan Electricity Grid Operating Company) «KEGOC» акционерлік қоғамы «Қазақстан Республикасының энергетика жүйесін басқаруды құрылымдық қайта құру бойынша кейбір шаралар туралы» Қазақстан Республикасы Үкіметінің 1996 жылғы 28 қыркүйектегі № 1188 қаулысына сәйкес құрылды, Қазақстан Республикасының Ұлттық электр торабын басқарушы компания болып табылады және Қазақстан Республикасы Біртұтас электр энергетикалық жүйесінің Жүйелік операторы дәрежесі берілген. «KEGOC» АҚ 1997 жылғы 11 шілдеде бастапқы мемлекеттік тіркеуден өтті.

102-1

2006 жылға дейін «KEGOC» АҚ-ның 100 % акциялары мемлекеттің меншігінде болды. 2006 жылы мемлекеттік акциялар пакеті (100%) «Самұрық» мемлекеттік активтерді басқару жөніндегі Қазақстан холдингі» АҚ-ның орналастырылатын акцияларын

төлеуге табыс етілді. 2008 жылы «Қазына» Тұрақты даму қоры» акционерлік қоғамы мен «Самұрық» Мемлекеттік активтерді басқару жөніндегі Қазақстан холдингі» акционерлік қоғамын біріктіру жолымен «Самұрық» мемлекеттік активтерді басқару жөніндегі Қазақстан холдингі» акционерлік қоғамының құқығын иеленуші болып табылатын «Самұрық-Қазына» Ұлттық әл-ауқат қоры» акционерлік қоғамы («Самұрық-Қазына» АҚ немесе Қор) құрылды.

2014 жылғы 18 желтоқсанда «Самұрық-Қазына» АҚ еншілес және бағынысты ұйымдарының акциялар пакеттерін бағалы қағаздар нарығына шығару бағдарламасын іске асыру шеңберінде Компанияның 25 999 999 дана жарияланған жай акциялары жазылым жүргізу жолымен Қазақстан қор биржасында орналастырылды.

Мекенжайы: Z00T2D0, Нұр-Сұлтан қаласы, Алматы ауданы, Тәуелсіздік даңғылы, 59-ғимарат.

102-3



«KEGOC» АҚ  
АЛҒАШ  
МЕМЛЕКЕТТІК  
ТІРКЕУДЕН ӨТТІ

1997

«KEGOC» АҚ Қазақстан Республикасының электр энергетикасы саласындағы заңнамасына сәйкес мынадай негізгі қызмет түрлерін жүзеге асырады:

- Ұлттық электр торабы арқылы электр энергиясын жеткізу;
- электр энергиясын желіге босату мен тұтынуды техникалық диспетчерлендіру;

- электр энергиясын өндіру-тұтыну теңгерімін ұйымдастыру.

Жоғарыда көрсетілген қызметтердің түрлері табиғи монополиялар саласына жатады, соған байланысты «KEGOC» АҚ қызметі «Табиғи монополиялар туралы» Қазақстан Республикасының Заңымен реттеледі.

102-2

## Миссия және құндылықтар

### МИССИЯ

Қазақстан БЭЖ-дің қазіргі заманғы техникалық, экономикалық, экологиялық талаптарға, кәсіби қауіпсіздік және денсаулық қорғау стандарттарына сәйкес сенімді жұмыс істеуі және тиімді дамуы.

### ПАЙЫМЫ

**Біз – ең үздік әлемдік компаниялар деңгейіндегі сенімділік пен тиімділік көрсеткіштері бар озық Компаниямыз.**

Біз озық технологияларды қолдана отырып, Ұлттық электр торабын дамыту арқылы барлық мүдделі тараптар үшін құндылықтарды үнемі арттырып отыруды, транзиттік және экспорттық әлеуетті арттыру үшін жағдай жасауды, корпоративтік әлеуметтік жауапкершілікті арттыруды көздейміз.



Ш

ШЫНАЙЫЛЫҚ  
ПЕН ӘДІЛДІК

## ҚҰНДЫЛЫҚТАР

Біз әрбір қызметкердің пікірін тыңдаймыз және күрделі мәселелерді ашық талқылай отырып, шешім қабылдаймыз.

Біз өзімізге қабылданған міндеттерді орындаймыз, сөзімізде тұрамыз.

Біз әдептілік нормаларын сақтаймыз.

У

УАҚЫТ ТАЛАБЫ МЕН  
ТҰРАҚТЫ ДАМУ

Біз тиімділікті арттырудың жаңа жолдарын іздестіреміз және бастамаларды қолдаймыз.

Біз озық тәжірибелер негізінде біліктілікті арттырып, білімімізді жетілдіреміз және дамытамыз.

Біз кез келген қиындықты еңсеріп, алға қойылған мақсаттарға қол жеткіземіз.

А

АУЫЗБІРШІЛІК ПЕН  
ЖАУАПКЕРШІЛІК

Біз компанияға, қоғам мен қоршаған ортаға залал келуіне жол бермейміз, қауіпсіздік пен сенімділікті қамтамасыз етеміз.

Біз өзімізге жеке жауапкершілік алып, дұрыс шешімдер қабылдаймыз.

Біз бір-бірімізге сенім артып, қол ұшын береміз, білім мен тәжірибе алмасамыз.

К

ҚҰРМЕТ, ДӘСТҮР  
МЕН БІЛІКТІЛІК

Біз компания мүдделерін өз жеке мүдделерімізден жоғары қоямыз, мүдделер қайшылығына жол бермейміз.

Біз адамдарға құрметпен қараймыз және компанияда қол жеткізілген жетістіктердің барлығын бағалаймыз.

Біз Компания құндылықтарын, нормалар мен қағидаларды ұстанамыз және бөлісеміз.

## Меншік иелері

### Құрылымы

2020 жылғы 31 желтоқсандағы жай-күй бойынша Компанияның жарияланған және орналастырылған жай акцияларының саны – 260 000 000 дана, оның ішінде 234 000 001 акция (90% плюс бір акция)

«Самұрық-Қазына» АҚ атынан ірі акционерге, 25 998 609 акция (9,9995%) миноритарлық акционерлерге тиесілі, қалған 1 390 дана акцияны (0,0006 %) «KEGOC» АҚ сатып алды.

102-5

## Серіктестік

102-12 | 102-13

**«KEGOC» АҚ маңызды салалық және басқа да ұйымдар мен қауымдастықтардың мүшесі және қатысушысы болып табылады, соның ішінде:**

[www.kea.kz](http://www.kea.kz)

**«Қазақстан Электр энергетикалық Қауымдастығы» заңды тұлғалар бірлестігі («ҚЭК» ЗТБ),**

негізгі міндеттері мыналар: қызметі электр энергетикасы саласымен тікелей немесе басқа түрде байланысты барлық ұйымдарға қолдау көрсету; электр энергетикасы саласына қатысты мемлекеттік бағдарламаларды, заңдар мен нормативтік актілерді әзірлеуге қатысу; өз мүшелерін сала мүдделері Үкіметтің, сот және басқа да органдардың шешімдеріне байланысты мәселелерде қолдау және ұстанымдарын қорғау.

[www.kazenergy.com](http://www.kazenergy.com)

**«KAZENERGY» Қазақстан мұнай-газ және энергетикалық кешені ұйымдарының қауымдастығы» заңды тұлғалар бірлестігі («KazEnergy» ЗТБ),**

негізгі мақсаты: Қауымдастық мүшелерінің құқықтары мен мүдделерін мемлекеттік органдарда қорғау, заңнамалық базаны үйлестіру; жер қойнауын пайдаланушылар, электр энергиясын өндірушілер, энергетика секторының өнімдері мен қызметтерін тасымалдаушылар мен тұтынушылар үшін біртұтас ақпарат алаңын құру; жергілікті, өңірлік және халықаралық деңгейде сала ішіндегі ынтымақтастық пен кәсіпкерлік жобаларын дамыту мен қолдау; «KazEnergy» ЗТБ, оның мүшелері мен жалпы алғанда саланың оң имиджін өңірлік және ғаламдық деңгейде тарату;

қазақстандық қоғамдастықтың экономикалық, әлеуметтік, экологиялық және ғылыми-техникалық белсенділігін ынталандыру.

### Қазақстан электр қуаты резервтерінің пулы (ЭҚРПУЛы), мекемесі

қызметінің негізгі мақсаты ПУЛРЭМ әзірлеген Қағидаларға сай ПУЛРЭМ қатысушыларына тиесілі энергия жабдықтары және/немесе халықаралық және өңірлік электр жеткізу желілерінің энергия жабдықтары кенеттен істен шыққан жағдайда энергиямен үздіксіз жабдықтауды қамтамасыз ету үшін қуат резервтерінің қажетті көлемін, құрылымы мен орналастыруды қалыптастыру болып табылады.

[www.ark.org.kz](http://www.ark.org.kz)

### Бәсекелестікті және тауар нарықтарын дамыту қауымдастығы –

кәсіпкерлік қызметті үйлестіру, сонымен қатар мемлекеттік органдарда, өкімет құрылымдарында, халықаралық және қоғамдық ұйымдарда бәсекелестік пен тауар нарықтарын дамыту мәселелері бойынша жалпы мүдделерді білдіру және қорғау үшін бастапқыда ерікті түрде заңды тұлғаларды біріктіретін коммерциялық емес ұйым. Бұл ұйымға кіру Компанияға «KEGOC» АҚ мүдделерінде монополияға қарсы заңнамаға қажетті өзгерістер енгізуге бастама жасауға және оны ілгерілетуге мүмкіндік береді. Қауымдастықтың жұмыс нәтижелері бұл нормативтік құқықтық актілер жобаларын әзірлеу және оларды әзірлеуге қатысу, тәжірибе алмасу үшін

халықаралық үкіметтік емес байланыстарды дамыту, семинарлар, конференциялар, дөңгелек үстелдер және басқа да іс-шаралар өткізу, бәсекелестік пен кәсіпкерлікті дамытуға көмектесу, монополияға қарсы заңнаманы бұзушылықтың алдын алу болып табылады.

# 260

МЛН ДАНА АКЦИЯ  
31.12.2020 Ж. ЖАРИЯЛАНДЫ  
ЖӘНЕ ОРНАЛАСТЫРЫЛДЫ

Сонымен қатар, «KEGOC» АҚ шекаралас елдермен тиімді электр энергетикалық нарық құруға көмектесу және халықаралық ынтымақтастықты дамыту мақсатында мынадай халықаралық салалық ұйымдардың жұмысына тұрақты түрде қатысып отырады:

- ТМД Электр энергетикалық кеңесі;
- Кернеуі жоғары үлкен электр жүйелері бойынша халықаралық кеңес (Conseil International des Grands Réseaux Électriques – CIGRE);
- Еуразиялық экономикалық одақ (Армения Республикасы, Беларусь Республикасы, Қазақстан Республикасы, Ресей Федерациясы, Қырғыз Республикасы);
- Дүниежүзілік энергетикалық кеңес;
- EURELECTRIC қауымдастығы;
- Әлемдік энергетикалық кеңес жанындағы Атқарушы ассамблея (WEC);
- БҰҰ Еуропа экономикалық комиссиясы;
- Орталық Азияның Үйлестіру электр энергетикалық кеңесі (ОА ОЭК).

## Бизнес-модель

102-6

### МИССИЯ

Қазақстан БЭЖ-дің қазіргі заманғы техникалық, экономикалық, экологиялық талаптарға, кәсіби қауіпсіздік және денсаулық қорғау стандарттарына сәйкес сенімді жұмыс істеуі және тиімді дамуы.

### ПАЙЫМЫ

Біз – ең үздік әлемдік компаниялар деңгейіндегі сенімділік пен тиімділік көрсеткіштері бар озық Компаниямыз. Біз озық технологияларды қолдана отырып, Ұлттық электр торабын дамыту арқылы барлық

мүдделі тараптар үшін құндылықтарды үнемі арттырып отырады, транзиттік және экспорттық әлеуетті арттыру үшін жағдай жасауды, корпоративтік әлеуметтік жауапкершілікті арттыруды көздейміз.



<p><b>4</b> САПАЛЫ БІЛІМ</p>	<p><b>7</b> ҚЫМБАТ ЕМЕС ЖӘНЕ ТАЗА ЭНЕРГИЯ</p>	<p><b>8</b> ЛАЙЫҚТЫ ЖҰМЫС ЖӘНЕ ЭКОНОМИКАЛЫҚ ДАМУ</p>	<p><b>12</b> ЖАУАПКЕРШІЛІКПЕН ТҰТЫНУ ЖӘНЕ ӨНДІРУ</p>
------------------------------	---	--	--

## ҚҰНДЫЛЫҚТАР

Шынайылық пен әділдік  
Уақыт талабы мен тұрақты даму  
Ауызбіршілік пен жауапкершілік  
Құрмет, дәстүр мен біліктілік

## БІЗДІҢ ҚЫЗМЕТІМІЗ

Электр энергиясын жеткізу	46,16 млрд кВт·сағ
Желіге босатуды техникалық диспетчерлендіру	98,99 млрд кВт·сағ
Өндіру-тұтыну теңгерімін ұйымдастыру	192,86 млрд кВт·сағ

Инфрақұрылымдық жобаларды іске асыру

## ТАРАТУ, ЖАБДЫҚТАУ ЖӘНЕ ТҰТЫНУ

Ірі өнеркәсіптік тұтынушылар



Энергиямен жабдықтайтын ұйымдар



Шетелдік энергия жүйелері



Энергия беретін ұйымдар



## БІЗДІҢ НӘТИЖЕМІЗ

Таза пайда	53,4 млрд теңге
1 акцияға дивидендтер төленді	2019 жылға 48,86 теңге 2020 ж. 1-жартыжылдықта 77,09 теңге
31.12.2020 ж. жай-күй бойынша акция құны	1 687,81 теңге
Сенімділік көрсеткіштері	WWP 98,63% SML 5,21 мин
Әлеуметтік тұрақтылық рейтингі	91%
Өндірістегі жазатайым оқиғалар	0

## БІЗДІҢ АКТИВТЕРІМІЗ


- Трансформаторларының белгіленген қуаты 38 746,05 МВА болатын 81 ҚС
- 9 ЖЭТ және ЖО ҰДО филиалдары

- Қазіргі заманғы технологиялар
- 26 997,923 км ӘЖ
- 4 731 адам



## Қуат


«KEGOC» АҚ ҚС қуаты мен саны  
31.12.2020 ж. жай-күй бойынша, МВА



EU1

2020 жылдың соңында габариті 0,4-1150 кВ, жалпы ұзындығы 26 997,923 км (тізбектер бойынша) болатын 377 әуелік электр жеткізу желісі (ӘЖ) және трансформаторларының белгіленген қуаты 38 746,05 МВА болатын кернеуі 35-1150 кВ-ты құраған 81 қосалқы электр станциясы (ҚС) бар Ұлттық электр торабы (ҰЭТ) Компанияның негізгі активі болып табылады. Олар электр энергиясының трансшекаралық ағындарын қамтамасыз ету, электр станцияларынан электр энергиясын жеткізу және өңірлік электр энергетикалық компаниялар мен ірі тұтынушылар арасындағы байланысты қамтамасыз ету үшін қызмет етеді.

«KEGOC» АҚ ӘЖ ұзындығы 31.12.2020 ж. жай-күй бойынша, км



EU4

## Компания құрылымы

«KEGOC» АҚ өз қызметін Қазақстан Республикасының аймағында жүзеге асырады. Компания құрылымына 9 «Электр жеткізу тораптары» (ЖЭТ) филиалы және «Жүйелік оператордың Ұлттық диспетчерлік орталығы» (ЖО ҰДО) филиалы кіреді.

«KEGOC» АҚ «Энергоинформ» АҚ мен «Жаңартылатын энергия көздерін қолдау жөніндегі қаржы-есеп айырысу орталығы» ЖШС-ның («ЖЭК жөніндегі ҚЕО» ЖШС) бас компаниясы болып табылады.

«Энергоинформ» АҚ ҰЭТ жабдықтарына қызмет көрсетуді қамтамасыз етеді және Компания жұмысына телекоммуникациялық қызмет көрсетеді.

«ЖЭК жөніндегі ҚЕО» ЖШС 2013 жылы жаңартылатын энергия көздері (ЖЭК) секторына инвестицияларды ынталандыру және барлық ЖЭК (өздері үшін аталған қолдау схемасы таңдап алынды) объектілерінен тіркелген тарифтер бойынша электр

энергиясын орталықтан сатып алуды мемлекет тарапынан кепілдендіру арқылы Қазақстанның энергия балансында ЖЭК-ті пайдалану үлесін арттыру мақсатында құрылды.

Сонымен қатар, «ЖЭК жөніндегі ҚЕО» ЖШС Қазақстан Республикасы Энергетика министрінің 2018 жылғы 7 қыркүйектегі № 357 бұйрығымен электр қуатының дайындығын қолдау жөніндегі қызметтерді орталықтан сатып алуды және электр қуатының жүктеме көтеруге дайындығын қамтамасыз ету жөнінде орталықтан қызмет көрсетуді жүзеге асыратын бірыңғай сатып алушы ретінде белгіленді.


Сонымен қатар, «KEGOC» АҚ «Солтүстік Қазақстан – Ақтөбе облысы өңіраралық электр жеткізу желісін салу» жобасын іске асыру үшін 2005 жылы құрылған «Батыс транзит» АҚ-ның акционері (акцияларының 20%-ы) болып табылады.

102-7




## Қызмет географиясы

102-4 102-6 102-7



**Ақмола ЖЭТ**

 ӘЖ  
4 230,431 км

 10 ҚС  
8 136,6 МВА

**Солтүстік ЖЭТ**

 ӘЖ  
3 680,614 км

 8 ҚС  
3 770,6 МВА

Экибастұз

• Нұр-Сұлтан

**Шығыс ЖЭТ**

 ӘЖ  
1 923,39 км

 7 ҚС  
4 362,5 МВА

• Өскемен

**Орталық ЖЭТ**

 ӘЖ  
3 496,69 км

 10 ҚС  
3 741,6 МВА

• Қарағанды

**Алматы ЖЭТ**

 ӘЖ  
4 225,143 км

 12 ҚС  
4 897,35 МВА

• Алматы

**Оңтүстік ЖЭТ**

 ӘЖ  
4 262,603 км

 13 ҚС  
3 392 МВА

• Шымкент